

Biblia alang sa Kabataan motanyag

Si Hesus ug si Zaqueo



Gisulat ni: Edward Hughes

Gihulagway ni: Janie Forest
Alastair Paterson

Gipahaom ni: Ruth Klassen

Gihubad ni: Mel Lorell Abugho,
Cheryn Mabano Abugho

Gipagawas sa: Bible for Children
www.M1914.org

©2024 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.





Usa ka adlaw
niana, si Jesus
miagi sa Jerico.
Kining siyudara
dugay nang
giguba ni Josue.
Karon kini
gitukod pag-usab
ug daghang nang
mga tawo ang
nagpuyo didto.
Kauban nila ang
usa ka tawo nga
ginganlag
Zaqueo.







Lagmit ang ubang mga tawo sa Jerico dili kaayo ganahan kang Zaqueo tungod kay siya nangolekta ug buhis gikan kanila. Gipadala ni Zaqueo ang pipila sa kuwarta ngadto sa gobyerno - apan nagtipig ug daghan alang sa iyang kaugalingon.




Ang pagkahimong maniningil ug buhis nakapadato kaayo kang Zaqueo. Ang iyang balay mahimo nga mao ang PINAKADAKO ug PINAKAMAAYO sa ilang dapit.




Apan siya mubo usab
kaayo - dili kuwang
sa kuwarta, apan
mubo sa gitas-on.
Si Zaqueo wala
gayod mitubo nga
sama kataas sa
ubang mga tawo.





Sa pagkadungog ni Zaqueo nga si Jesus anaa sa Jerico, ang gamay nga maniningil sa buhis gusto nga makita ang Tawo nga taga-Nazaret nga nag-angkon nga Anak siya sa Dios. Apan ang mga panon sa tawo baga kaayo ... ug mga taas.





May ideya si Zaqueo! Kon makauna pa siya sa panon sa katawhan ... mokatkat sa kahoy nga nagbitay sa dalan ... ug makakita na siya kang Jesus.





Sa pagsaka sa usa ka kahoy nga sikomoro, si Zaqueo nakakita ug komportable nga sanga diha sa mga sanga ug milingkod sa paghulat kang Jesus. "Maayo na akoang panglantaw diri," tingali siya naghunahuna.

"Makita ko Siya nga dili ako makit-an."



"Zaqueo, pagdali ug kanaog." Ang gamay nga maniningil sa buhis dili makatuo sa iyang nadunggan. Nagtindog si Hesus ilalom sa kahoy. Si Hesus nagtan-aw kaniya. Ug gitawag siya ni Hesus!






Kon si Zaqueo natingala sa pagkadungog ni Jesus nga gitawag siya, lagmit natingala siya sa dihang si Jesus miingon, "Karong adlaw ako mopuyo sa imung panimalay." Paspas kaayo nga nanaog si Zaqueo nga hapit na siya mahulog.



Nalipay si Zaqueo nga mobisita si Hesus sa iyang balay. Apan ang mga tawo wala makagusto niini. Nagreklamo sila nga dili angay bisitahon ni Jesus ang usa ka makasasala sama kang Zaqueo.






Si Hesus nagdala ug tibuok nga bag-ong kinabuhi kang Zaqueo. Si Zaqueo miingon, "Ginoo, Ako ihatag ang katunga sa ang akong mga butang ngadto sa mga pobre. Ug kun ako manglimbong sa bisan kinsa, Upat ka pilo ang akong ihatag sa ilaha."



Nalipay si Jesus sa bag-ong kinabuhi ni Zaqueo. Gusto niya nga makita ang mga tawo nga naghinulsol sa sala ug magbuhat sa matarong. Si Jesus miingon, "Ang Anak sa Tawo mianhi aron sa pagpangita ug sa pagluwas niadtong nawala." Nianang adlawa sa Jerico, nakita ni Jesus si Zaqueo!



Si Hesus ug si Zaqueo

Estorya gikan sa Pulong sa Dios, ang Biblia,

makita sa

Lucas 19


"Ang pag-abot sa Imong mga Pulong
nagahatag og kahayag." Salmo 119:130



Ang Kataposan



53



60



Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:
Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab.

Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

